



Synfocity = 341

mail us at : synfo@bsnl.in; synfo@yahoo.com - Phone - 231464819th May, 2011

- ❑ **Synod-in Bairabi kang tuarte a tanpui**
 Mizoram Presbyterian Church Synod chuan April 28-a Bairabi Rail Station Venga kangmei tuarte chu May 12 khan tanpuina a hlan.
 He kangmei chhuakah hian in 18 kang chhiain a tuartu chhungkua hi chhawngkaw 28 an ni a, heng chhungkuate hnenah hian Synod Moderator Rev. C. Lalsangliana chuan tanpuina sum Rs. 45,000/- a sem a ni. Tanpuina sem Inkhawm hi Bialtu Pastor D.Zobiakan a kaihhruai a, Synod Moderator-in thu sawiin, Synod-in tanpuina a pek theih chu vanduaina an tawh nen khaikhin tham a nih loh thu leh, tuarpuna entirna mai a nih thu a sawi a, a aia tam ti thei dinhmuna din a chakawm thu a sawi bawk. Mizoram chhunga mi tupawh kohhran pawl sawi chuang lovin theih ang tawka chhiat tawkte tanpuina pek hi kan kohhran kalphung a ni a ti a. He thilpek tlem tham te nimahsela, vanduaite Pathian hminga Synod-in a tuarpuna leh a inlaintna tarlannaa lo pawmsak turin vanduaina taw chhungkuate chu a ngen bawk a ni.
 Kangmei tuarte pawhin hetiang duhsaktu an hmu leh tanpuina hmun hrang hrang atanga an dawng thin chu an lawm takzet thu an sawi bawk.
- ❑ **Synod hotute leh Pune Diocese (CNI) te inkawm**
 May 13 khan Mizoram Presbyterian Church Synod Officers Meeting member-te leh Church of North India (CNI) hnuaia Pune Diocese hotuten thawhhona chungchangah inkawmhona hun tha tak an nei.
 Church of North India (CNI) hnuaia Pune Diocese-in Pune-a St. Mary's Kohhran enkawltu tur Pastor an dilna, Synod Inkhawmpui 2010-in a lo remtih tawh tipuiting tura thawhhona thuthlung (Partnership Agreement) siam turin Rt. Rev. V.B. Sathe, Bishop of Pune Diocese leh Rev. Suresh Jacob, Pastor i/c. St. Mary's Church te chu Aizawlah an lo kal a, Mizoram Presbyterian Church Synod Puipate nen inkawmhona tha tak an nei.
 Tun hi thawhhona tur atana Kohhran pahnih ten official-a dawhkan an kilho wavi khatna a ni a, thuthlung ziak tur hian kohhran inkaihhruaina Dan ve ve te uluk taka enin ruahmanna siam mek a ni a. Mizoram Synod chuan he thawhhona thuthlung hi siam fel theih a nih hunah St. Mary's Church Pastor hna thawk tur hian Rev. K. Lalthlanpuia chu a ruat fel sa tawh a ni.
 CNI hotute hian an cham chhungin Aizawl khawpui chhung Kohhran thenkhatte an tlawh kual a, May 16 khan an awmna hmun panin an haw leh a ni.
- ❑ **Lehkhabu tlangzarh**
 May 16 khan Rev. C. Thalai lehkhabu ziah 'Ka Khualzinna Ram' tih chu Synod Committee Room No.1-ah Rev. Vanlalzuata, Senior Executive Secretary-in a tlangzarh.
 Lehkhabu tlangzarh inkhawm hi Upa Prof. Lalthuagliana Khiangte-in a kaihruai a, Rev.C. Thalai hnen atangin he lehkhabu a buatsaih dan thukhawchang te ngaihthlak a ni. Rev. Vanlalzuatan lehkhabu hi tlangzarhin thusawina hun a hmang bawk. Lt. Col. Z.S Zuala, MLA in lawmthu sawina hun a hmang a, Mission Veng Pastor Bial vawngtu Pastor H. Lalrinmawian lehkhabu thar hi Pathian hnenah hlan a, Malsawmnain hun a khar a ni.
 Rev. C. Thalai hian a lehkhabu 'Ka Khualzinna Ram' tih hi a nupui, December 9, 2000 a boral ta Pi Ngodo Synhlo hriatreng nan a hlan a, he lehkhabu hian rilru zau tak pu chung a Pathian rawngbawl a tulzia te, Kohhran peng hrang leh rin dan dang zeuh zeuh vanga inhmuhmawh a ngaih lohzia te, Mizoram chhunga cheng zawng zawngte hi Krista vanga inunau em em vek tur kan nihzia te a tarlang a. Pathian ringtu, a hnungzuitu, fahrah leh rethei bakberh berte tan pawh Lalpa chu inngahna tura pa rintlak leh Pathian a nihzia a lang chiang hle bawk.He lehkhabu hi pheik 250 a chhah a ni a, Rs. 100 man chauh a ni.
- ❑ **Synod Partnership Committee & Affiliated para-church hruaitute inkawmho**
 May 17 khan Mizoram Synod Partnership Committee hotute leh Synod hnuaia affiliated para church 9 hruaitute chuan Synod Committee Room No. 1- ah inkawmhona (Partnership Meet) an nei a, Synod Partnership Committee hotu mi 5 leh Para Church hruaitute atangin mi 25 an tel a, an vaiin mi 30 an tel a ni.
 Inkawmhona Programme hi Synod Moderator Rev. C. Lalsangliana a kaihruai a, Partnership Committee Secretary Rev. Lalchhuanmawian Inhmelhriattirna leh Inlawmna hun a hmang a. Rev. Lalzuithanga, Executive Secretary i/c Partnership etc. - in he inkawmhona chungchang sawi hawna hun a hmang a, Rev. Vanlalzuata, Senior Executive Secretary hnen atangin 'Synod-in para-church te a beisei dan' tih ngaihthlak a ni bawk. Thusawi ngaihthlak zawhah rawngbawliho dan tur sawihona hun tha tak an hmang bawk.
 Partnership Meet hian a tum ber chu Para Church-te nen rualkhai zawka thawhho dan kawng zawn leh sawiho a ni. Tun dinhmuna Mizoram Synod hnuaiah hian Affiliated Para-Church 9 an awm mek a, chungte chu - Disciples Society, Zoram Evangelical Fellowship (ZEF), Thlarau Bo Zawngtute (TBZ), Mission Foundation Movement (MFM), Zoram Evangelical Mission (ZEM), Set Free Ministries, Missionary Agency for Understanding, Reference & Intercession (MAURI Society), The Leprosy Mission leh Varanasi Mission te an ni.
- ❑ **NEICC Annual Session vawi 74-na**
 North East India Christian Council (NEICC) Annual Session vawi 74-na, May 19 - 22 chhung hian Mission Compound, A.D. Nagar, Agartala-ah neih mek a ni a, thupuih 'Building the Body of Christ Together' (Eph. 4:12) an hmang. Heta tel tur hian nimin (May 18) khan Rev. C. Sangliana, Synod Statistician leh Upa D.P. Biakkhuma, Synod Secretary (Jr.) hovin Synod Palai 23 an kal a, Khatla South Kohhran Zaipawlte an kal bawk.
 Vawiin (May 19) chawhma hian Standing Committee an thu ang a, chawhnuah Executive Committee an thu leh ang. Zan inkhawmah Inkhawmpui hawna leh palai lawmna inkhawm neih a ni ang. May 20 & 21 hian Rorel Inkhawm neih leh a ni ang. May 21 (Inrinni) zanah Rev. Dr. R. Lalbiakmawian 'Working together for Peace' tih thupui hmangin Pathian Thuchah a sawi ang. Khatla South Kohhran Zaipawiten inkhawm hun hrang hrangah zaia rawngbawlna an nei bawk ang.
- ❑ **Zin**
 Nimin (May 18) khan Pu Thangliankhuma, Asst. Engineer chuan Mamit Pastor Quarters sak tur enpuiin lehlengin a kal.

Contd...

- ☐ **Synod Mission Board**
 May 7 - 11 Khan Home Mission North Documentary Film tur buaipuin Salem Boarding, Marpara-ah Pu Lalhmingthanga, Mission Promoter leh Rev. Lalmakpuia, Damparengpui Bialtu Pastor te an kal.
- ☐ **Tawngtaipui ngai**
 Arunachal & Assam Mission Field East headquarters Khasan hmuna thawktuten school chawlh laiin April 26-29 zanaah te Namchik Hahvi leh Chingsa-ah te Chanchin Tha hrilin, helai hmuna mi Tribal sakhua pakhat Rangfrah-ho hnenah an feh chhuak a. Hmun thenkhatah chuan an thusawi an ngaithla duh hle a, hmun thenkhatah chuan Pathian thu sawi tawh lo tura tihna lehkha te hial pek an ni. Tunah hian an hruaitute inchah khawmin an mite fuihtharna leh inhmukhawmna hun buatsaih an tum mek a. Tawngtainaa hre reng turin Field Secretary, Arunachal & Assam Mission Field East chuan kohhranhote a sawm a ni.
- ☐ **Kohhran Hmeichhia**
 ♦ May 17 (Thawhlejni) Khan Bial hrang hrang panga-ah Leadership Training neih a ni a, Central Kohhran Hmeichhe hruaituten hetiang hian training an neihpui :

Training-na hmun	Training neihpuitu
Ramthar Kohhran	Pi Lalrinkimi (Coordinator), Dr. Vanlalhruii & Pi Lalthanngi
Bungkawn Kohhran	Pi Liankimi (Fin. Secretary), Pi Ramngaih sangi & Pi C. Lalrinliani
Venghlui Kohhran	Ni. Vanlalsawmi (Asst. Coordinator), Pi Biakengi & Pi Lalrinzuali
Chanmari Kohhran	Pi Laldawnkimi (Asst. Secretary), Pi C. Lianpari & Pi Lalthansangi
Mission Veng Kohhran	Pi Lalthanmawii (Chairman), Pi Malsawmtluangi & Pi C. Lalrotluangi

 ♦ North East India Christian Council (NEICC) Annual Session vawi 74-na, May 19 - 22 chung hian Mission Compound, A.D. Nagar, Agartala-a neih mekah Central Kohhran Hmeichhe aiawhin Pi H. Lalpianthangi, General Secretary leh Pi Lalsawmliani, Treasurer te an kal.
- ☐ **MSSU**
 ♦ May 21 (Inrinni) hian Ramhlun East Kohhranah Sunday School Zirtirtu Training neih a ni dawn a, training neihpui tur hian Upa K. Zoremsanga, Kulikawn, Upa Hrilthansanga, Mission Vengthlang leh Pu R. Lalhmingthanga, Republic Vengthlang (MSSU Trainers) te an kal ang. Zan inkhawmah Upa Hrilthansangan Fanau Enkawl Chungchang tih thupui hmangin Pathian thuchah a sawi ang.
 ♦ May 24 - 27 chung hian MSSU buatsaihin **Triennial Secretarial Training vawi 13-na**, Youth Hostel, Luangmualah neih a ni ang. Training-ah hian MSSU zawmtu zawng zawng, Mizoram chung leh pawn atangin Bial Sunday School Secretary-te tel tura tih an ni. Training hawna inkhawm hi May 24 (Thawhlejni) zan dar 6:00-ah neih a ni ang a, Rev. Zosangliana Colney, Executive Secretary i/c MSSU in training hi hawngin thuchah a sawi ngal ang. Training-ah hian thupui hrang hrang hmangin Pathian thuchah ngaihlak a ni ang a, Practical Session, Group Discussion leh General Discussion te neih a ni baw ang. Thupui zirho turte chu -

Thupui	Sawitu
Rawngbawl hna hlen - I & II	Rev. Vanlalbela
Sunday School chanchin leh a pawimawhna	Upa K. Zoremsanga, MSSU Trainer
Secretary hna leh mawhpurhna	Pu Lalthahluna Ralte, MSSU Asst. Coordinator
Christian Education & Child Evangelism	Upa Hrilthansanga, MSSU Trainer
Sunday School inrelbawl dan leh Inkaihruaina	Pu Lalthanchhunga, MSSU Trainer

Triennial Secretarial Training vawi 13-na Programme kimchang pheh lehlamah tarlan a ni.
- ☐ **Kristian Thalai Pawl**
 ♦ May 20 - 22 hian Lallen Bial huapin Lallen Kohhranah Leadership Training neih a ni dawn a, training neihpui tur hian CKTP hruaitu T/Upa Dr. C. Zarzoliana, Asst. Secretary leh Tv. V.L. Muanchhana, Committee Member te an kal ang. Hemi chung vek hian Darlawn Bial huapin Sawleng Kohhranah Leadership Training neih a ni dawn a, training neihpui tur hian T/Upa Lalramdina leh Tv. Vanlalhruii, Committee Members te an kal baw ang.
 ♦ Synod Choir-te chuan naktuk (May 20) hian CKTP hruaitu Tv. Zohmangaiha nupui neihna, Khatla South Kohhranah an zai ang a, may 23 (Thawhtanni) zan hian Republic Vengthlang Branch KTP inkhawmah hun an hmang baw ang.
- ☐ **Synod Bookroom**
 Vawin (May 19) hian Synod Bookroom chuan Zosaphluis Building, Mission Vengah Mizoram puma an distributor zawng zawngte pualin Distributors Meet an hmang dawn a, rawngbawl naa hmasawn zel dan turte zirhona leh sawihona an nei ang. Pu Lalniliana, Bookroom Manager-in chawhma programme a kaihrui ang a, chawhnu lamah Upa F. Lalsangliana, Bookroom General Manager-in a kaihrui thung ang.
- ☐ **Synod Multipurpose Training Centre**
 May 16 - 20 chung hian Lay Leaders' Training, Synod Multipurpose Training Centre, Mission Vengthlangah neih mek a ni a, training-ah hian Presbytery hrang hrang 9 atangin Upa 21 an tel thei a ni.
- ☐ **Susamachar Prasaran Programme**
 May 22 (Pathianni) tliaih Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang :
 ♦ Group/Choir/Solo : Champhai Bethel Pastor Bial - Jab Jab Dekho
 ♦ Group/Choir/Solo : Venghnuai Pastor Bial - Lhushiya
 ♦ Sermon : Adam Kerketa - Viswasogyata
 ♦ Group/Choir/Solo : Ramhlun Venglai Masihi Sangati Zaipawl - Johan Pandra
 ♦ Group/Choir/Solo : Kulikawn Masihi Sangati Zaipawl - Dilse
 ♦ Stuti Geet : Ek Aag Har Dil Me
- ☐ **Moderator Programme**
 Synod Moderator Rev. C. Lalsangliana chuan tun kar chhoah hetiang hian hun a hmang ang :
 ♦ May 21 - 22 : Tuivawlral Presbytery hawn & Special Presbytery hmanpui
 ♦ May 24 - 26 : Pastors Retreat, ATC

MIZORAM PRESBYTERIAN CHURCH SYNOD : PASTORS' RETREAT 2011

A hmun : Aizawl Theological College Campus
A hmun : 24 - 26 May, 2011

Manager
Rev. Rosiamiana Tochnawng

Recording Secretaries
1. Rev. R. Lalrosiama
2. Rev. H. Lalinthanga

THUPUI : TUNLAI KOHHRAN MAMAWH

Date	6:30-7:30 A.M.	7:30 A.M.	9:30-10:30 A.M.	10:30 A.M.-12:00 Noon	12:00 Noon	1:30-2:30 P.M.	2:30-4:00 P.M.	4:00 P.M.	6:30-8:00 P.M.
24.5.2011 Tuesday	DEVOTION Hruaitu Rev. Lalbiakulmawia Mission Vengthlang Thusawitu Rev. Dr. Vanlaihuanawma Principal, ATC	TUKTHUAN EI DEVOTION Hruaitu Rev. R. Lalhmingthanga Tanhrii Thusawitu Rev. Lalsangbera Kulikawn	HUN KHATNA 'Revival bih chianna' Hruaitu Rev. Ralthansanga Ralte A/S, Barak Area Sawitu Rev. Thangzauva Editor, SL&PB	SAWI HONA Hruaitu Rev. R. Lalengmawia Lungleng	CHHUN CHAWLH	HUN HNIHNA 'Pastor & Materialism' Hruaitu Rev. Zothansanga Director, FG&CC Sawitu Rev. Lalzuihanga Executive Secretary	REGISTRATION (2:00-4:00 P.M.)	ZANRAH EI	RETREAT HAWNNA INKHAWM 'Keynote Address' Rev. Vanlizuata Senior Executive Secretary
			HUN THUMINA 'Kohhran Humhalh' Hruaitu Rev. J. Lalremsiama A/S, Manipur Area Sawitu Rev. P. C. Pachhunga Synod Secretary	SAWI HONA Hruaitu Rev. Lalchhuanmawia Secretary, SMB	THUPUI THAWHKHAWM SAWI HONA (1:00-4:00 P.M.) Hruaitu Rev. K. Lalhmingliana Chanmari	PATHIAN BIAK INKHAWM Hruaitu Rev. Dr. V. S. Lalinawma ATC Inthlahna Thuchah Rev. C. Lalsangliana Moderator			
25.5.2011 Wednesday									
26.5.2011 Thursday									
27.5.2011 Friday		TAWNGTAIRUAL INKHAWM (7:00-8:00 A.M.) Hruaitu Rev. C. Sangliana Statistician							

<p style="text-align: center;">MIZORAM PRESBYTERIAN KOHHRAN MIZO SUNDAY SCHOOL UNION 13th TRIENNIAL SECRETARIAL TRAINING - 2011 <i>A hmun : Youth Hostel, Luangmual</i> <i>A hun : May 24 - 27, 2011</i></p>				
Hun	May 24, 2011 (Thawhlejni)	May 25, 2011 (Nilaini)	May 26, 2011 (Ningani)	May 27, 2011 (Zirtawpni)
6.30 a.m. - 7.00 a.m.		THINGPUI	THINGPUI	THINGPUI
7.00 a.m. - 8.30 a.m.		DEVOTION Hruaitu : Rev. Chailiangura <i>Thupui : Rawngbawl hna hien-I Sawitu : Rev. Vanlalbela</i>	DEVOTION Hruaitu : Pi C. Lalneihkimi <i>Thupui : Rawngbawl hna hien-II Sawitu : Rev. Vanlalbela</i>	Haw tura inbuatsaihna
8.30 a.m. - 9.30 a.m.	Thlen kim ni	TUKTHUAN	TUKTHUAN	TUKTHUAN
9.30 a.m. - 12.00 noon		Hruaitu : Upa C. Thanga <i>Thupui : Sunday School chanchin leh a pawimawhna "</i> Sawitu : Upa K. Zoremsanga	Hruaitu : Rev. C. Ronghinga <i>Thupui : Christian Education and Child Evangelism"</i> Sawitu : Upa Hriithansanga	
12.00 noon. - 1.00 p.m.		CHHUN CHAWLH	CHHUN CHAWLH	
1.00 p.m. - 3.00 p.m.	Registration 2:00 p.m. - 4:00 p.m. Youth Hostel, Luangmual	Hruaitu : Upa B. Lalthanliana <i>Thupui : Secretary hna leh mawhphurhna</i> Sawitu : Pu Lalthahluna Ralte	Hruaitu : Upa F. Lawmzuala <i>Thupui : Sunday School Inrelbawl dan leh Inkaihhruaina</i> Sawitu : Pu Lalthanchunga	
3.00 p.m. - 5.00 p.m.		Practical Session	Group Discussion	Tin darh
5.00 p.m. - 6.00 p.m.	ZANRIAH	ZANRIAH	ZANRIAH	
6.00 p.m. - 8.00 p.m.	TRAINING HAWNNA Hruaitu : Pi Lafakmawii, Co-ordinator, MSSU. Hawna leh Thuchah Rev. Zosangliana Colney Executive Secretary, i/c MSSU.	Hruaitu : Upa Lalrintuanga General Discussion	Hruaitu : Upa D.P. Biakhuma, Secretary Jr., Mizoram Synod Reflection & Farewell Lawmthu sawi : <i>Pi Lafakmawii,</i> Co-ordinator, i/c MSSU.	
8.00 p.m. - 9.30 p.m.	Fellowship Hruaitu : Pu Lalthahluna Ralte Asst. Co-ordinator, MSSU.	Assignment		

